

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog postupka javne nabavke za nabavku „**Izvođenje radova rušenja i uklanjanja objekata u cilju izgradnje, rekonstrukcije ili rehabilitacije saobraćajnica u nadležnosti Direkcije za puteve KS**“ zaključen je

OKVIRNI SPORAZUM

za „Izvođenje radova rušenja i uklanjanja objekata u cilju izgradnje, rekonstrukcije ili rehabilitacije saobraćajnica u nadležnosti Direkcije za puteve KS“

Između sporazumnih strana:

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa Direktor Selmir Kovač dipl.ing.saobr. (u daljem tekstu: **Naručilac**)

i

Kantonalno javno komunalno preduzeće „RAD” d.o.o., ulica Paromlinska 57, ID 4200316890001 koga zastupa Direktorica Vera Arnautović, dipl. pravnik (u daljem tekstu: **Izvođač radova**)

I PREDMET SPORAZUMA

Član 1.

Ovim Okvirnim sporazumom sporazumne strane se sporazumijevaju da će Izvođač radova tokom ugovornog perioda, po ukazanoj potrebi, a na osnovu zahtjeva Naručioca izvršavati naložene poslove definisane postupkom javne nabavke za „**Izvođenje radova rušenja i uklanjanja objekata u cilju izgradnje, rekonstrukcije ili rehabilitacije saobraćajnica u nadležnosti Direkcije za puteve KS**“, sve prema zahtjevima definisanim u postupku, specifikaciji, tenderskoj dokumentaciji i Ponudi Izvođača koja čini sastavni dio ovog Sporazuma.

Okvirnim sporazumom naručilac i izvršilac/izvođač su saglasni da mogu u toku cijelog perioda na koji se sporazum zaključuje zaključivati ugovore iz oblasti za koje je proveden postupak javne nabavke.

Okvirnim sporazumom će se definisati uslovi pod kojim se mogu dodijeliti ugovori tokom određenog perioda, u skladu s predviđenom cijenom i predviđenim količinama.

Ukupna vrijednost pojedinačno zaključenih ugovora ne može biti veća od prihvaćene cijene ponude.

Okvirnim sporazumom odabrani ponuđač će tokom ugovornog perioda, po ukazanoj potrebi, a na osnovu zahtjeva Naručioca, izvršavati naložene poslove definisane postupkom javne nabavke sve prema zahtjevima definisanim u postupku, specifikaciji, tenderskoj dokumentaciji i Ponudi.

Član 2.

Direkcija za puteve povjerava, a izvođač radova, prihvata vršenje radova u skladu sa odredbama ovog sporazuma.

Izvođač radova iz stava 1. ovog člana je odgovoran za kvalitetno, stručno i blagovremeno vršenje radova.

II ROK TRAJANJA I CIJENA

Član 3.

Okvirni sporazum zaključuje se za period od 3 (tri) godine, odnosno do iskorištenja maksimalne finansijske vrijednost od

579.267,00 KM

(slovima: **petstotinasedamdesetdevehiljadadvijestotinešezdesetsedam KM i 00/100) sa**

pdv-om

(495.100,00 KM bez pdv-a).

Tokom ugovorenog perioda cijene iz prihvaćene Ponude su nepromjenjive.

Ukupna vrijednost pojedinačno zaključenih ugovora ne može biti veća od prihvaćene cijene ponude.

Član 4.

Izvođač je dužan naručeni posao izvršiti u roku na mjestu i na način koji je definisao Naručioc.

Izvođač je dužan ugovoreni posao izvršiti prema uslovima iz tenderske dokumentacije, pravilima struke i prihvaćene Ponude.

III NAČIN PLAĆANJA

Član 5.

Za izvršeni posao Naručioc je obavezan izvršiti plaćanje u roku od 60 dana od dana prijema računa i potvrde o dobrom izvršenju posla, uplatom na račun Izvođača navedenog u ponudi.

Član 6.

Sporazumne strane su saglasne da Izvođač neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Naručioca ili su u svojstvu stručnog lica bile angažirane od strane Komisije za javne nabavke, prilikom dodjele ovog Sporazuma.

Ograničenje u smetnji iz stava (1) ovog člana traju šest mjeseci od dana stupanja na snagu ovog Sporazuma odnosno od početka njegove realizacije.

IV ODGOVORNOST ZA ŠTETE I DRUGE ODGOVORNOSTI

Član 7.

Sve štete nastale Direkciji za puteve i korisnicima puteva u nadležnosti Direkcije za puteve Kantona Sarajevo zbog nekvalitetnog i neblagovremenog izvršenja radova iz ovog

sporazuma nadoknaditi će Izvođač radova u skladu Zakonom o cestama.

Zbog neblagovremeno ili nekvalitetno izvršenih obaveza koje su predmet ovog Sporazuma Direkcija za puteve može otkazati ovaj Sporazum sa izvođačem radova, u tom slučaju Direkcija zadržava pravo da radove dodijeli drugom izvođaču radova sa kojim ima potpisan Okvirni sporazum.

IV MJERODAVNO PRAVO

Član 8.

Na sva ostala prava i obaveze koja nisu regulirana ovim Sporazumom, primjenjivat će se odredbe Zakona o obligacionim odnosima.

Nakon zaključenja Sporazuma, njegove odredbe ne mogu se mijenjati.

Član 9.

Ukoliko Izvođač ne ispunjava svoje preuzete obaveze, Naručioc će ga pismeno pozvati da postupi prema odredbama ovog Sporazuma.

Ako Izvođač ne postupi prema pismenoj opomeni iz stava (2) ovog člana ni u danom naknadnom primjerenom roku, Naručioc zadržava pravo da jednostrano raskine ovaj Sporazum i traži naknadu nastale štete.

V RJEŠAVANJE SPOROVA I MJERODAVNO PRAVO

Član 10.

Eventualne sporove sporazumne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut konačno će se riješiti pred nadležnim sudom u Sarajevu.

VI POSEBNE ODREDBE

Član 11.

Ovaj sporazum ostaje na snazi do potpunog izvršenja ugovorene usluge.

Sporazumne strane mogu sporazumno otkazati ovaj sporazum i prije njegovog izvršenja ukoliko, neovisno od sporazumnih strana, nastupe okolnosti, koje bitno utiču na predmet izvršenja sporazuma/ugovora. U tom slučaju sporazum se raskida.

VII ZAVRŠNE ODREDBE

Član 12.

Sporazum stupa na snagu sa danom obostranog potpisivanja ovlaštenih predstavnika sporazumnih strana.

Sastavni dio sporazuma čini predmjer radova u prilogu.

Član 13.

Sporazum je sačinjen u 6 (šest) istovjetnih primjeraka, od kojih svaka od sporazumnih strana zadržava po 3 (tri) primjerka.

 Vera Arnautović, dipl. pravnik
Direktorica

KJKP „RAD“ D.O.O. Sarajevo

Broj: 05-02-04-5876/20
Datum: 03.04.2020

Seimir Kovač, dipl. inž. saobraćaja
Direktor

Direkcija za puteve Kantona Sarajevo

Broj: 04-14-41997-OS/19
Datum: 02.04.2020. godine